

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De tertio

[urn:nbn:de:bsz:31-122776](#)

rum numero reperiamur , triticum simus non zizania , hoc sine conditi & redempti à Deo , ut aribulemus in bonis operibus . Eph. 2. v. 10. nam omnis qui natus est ex Deo , peccatum non facit , quoniam ex Deo natus est . I. Johan. 3. v. 9.

III. *Causa finalis* , quæ duplex hic ponitur :

1. *Ut succrescant*. Sicut enim zizania plerisque felicius crescunt quam triticum . Ita in hoc mundo florent impii , & velutilaurus viridis sese erigunt , Ps. 37. v. 35. Sed habent mercedem suam , Matth. 6. v. 2. Tu vide ut crescas in fide & agnitione Dei , & tandem perfectionem assequaris juxta mensuram ætatis plenitudinis Christi , Ephes. 4. vers. 13.

2. *Ut appareant*. Quamvis enim noe seminat , tamen hoc sine seminat , ut zizania tandem appareant , & pestiferā comixtione tritico damnum inferant : Novit enim Satanus , quām facile per consortium impiorum pii quoque inficiantur , Sir. 13. v. 1. Proinde cautē ambulandum est in hoc mundo , & dum apparent zizania , hoc a- gant Christiani , ut fides eorum multò magis appareat coram hominibus , juxta Christi monitum , Matth. 5. v. 16.

De Tertio.

R Estat pars tertia de famulorum cura & zelo ferventiori quo ad purgandam Ecclesiam rapiuntur. Ubi examinanda sese offerunt

I. *Duplex quaestio*. Prima occupatur circa originationem , nam Domine , inquiunt , nonne bonum semen seminasti in agro tuo ? unde igitur habet zizania ? Unde apparet , quando pii & fideles , in primis Ecclesie ministri afficiantur dolore , cum vident

zizania , id est , fanaticos errores , & scelera quævis contra Decalogum invalescere : Ah Domine , inquiunt , nonne bonum semen seminasti in agro tuo , unde igitur habet zizania ? Eja Domine , bonum semen seminasti , sed quarta pars tantum fructificat . Culpa non est boni semenis , neque etiam seminantis , quod zizania crescunt , sed Diaboli & perversæ nostræ naturæ , quod suggestiōnibus diabolisticam facile assentimur & obtemperamus , Os. 13. v. 9.

Altera occupatur *circa eradicationem*. Nam vis , inquiunt , ut eamus , & colligamus ea , quibus verbis promptam suam operam patrifamilias in evellendis zizaniis offerunt . Sed proficiscitur illa quæstio partim ex impatientia , quā dolent labores suos , quos in spargendo bono semine fideli- ter collocant , tam malè cedere , & triticum per zizaniā suffocari , qui quidem zelus non est culpabilis , si in terminis sese continet , & sine studio propriæ vindictæ exercetur . Exempla vide Esa. 27. v. 4. Luc. 9. v. 54. Galat. 5. v. 12. partim ex carnali prudentia , quod putabant melius fore , si nulla omnino zizania in agro Ecclesiæ reperiantur , non ponderantes illud Pauli effatum I. Cor. II. v. 19. interim zelum servorum imitantur in Ecclesia Pastores , & zizania evellant verbo , Magistratus gladio , Patresfamilias virga sive baculo , Rom. 12. v. 7. 8.

II. *Duplex responsio* , quā Paterfamilias

1. *Autorem denominat* , v. 28. qui zizania sparsit inter triticum . Hic non est Deus , ut Calviniani blasphemant contra expressa Scripturæ dicta , Psalm. 5. v. 5. Deut. 32. v. 4. Sirac. 15. v. 11. 12. Sed Diabolus , Sap. 2. v. 2. 4. 2. Corinth. 4. v. 4. Hic seminavit in cor Caini zizania sanguinolentiæ , Genes. 4. v. 8. In cor Davidis zizania malæ concupiscentiæ ,

2. Sam. II.v.2. in cor Ahabi zizania avaritiæ,
1. Reg. 21.v.2. in cor Nabuchodonosoris zizania superbiciæ, Dan. 4.v.27. In cor Belzafaris zizania luxuriæ, Dan. 5.v.1. hinc dicitur καὶ ἔξοχὴ πενηδεῖ, quia ad malum tentat & instigat homines, Jac. I.v.13.14.

2. Servorum consilium reprobat, vers. 29.
ne simul eradicando lolium, eradicetur etiam triticum. Videte, quomodo Deus, Pater cœlestis in gratiam piorum malis parcat, eosdemque inter pios vivere permittat, ne forsan hi malis eorum quounque modo implicentur, alias zizania jam dudum de mundo eradicate fuissent. Exemplo potest esse Sodoma & Gomorrah, quæ incolumis perstisset, si vel decem justi ibidem reperti essent, Gen. 18. vers. 32. Ita propter unicum Mosen Israelitis in desertis peccantibus ad unum omnibus pepereit, Exod. 32. v.14. vide etiam Ezech. 22. v.30.

3. Voluntatem suam explicat, quid fieri velit, wie ers will gehalten haben/

1. Cum lolio, cui deputat

1. *Terminum accretionis*, & sinite crescere, inquit, usque ad messem, quo ipso longanimitatem & patientiam suam declarat. Nisi enim zizaniis subveniret Dei patientia, nec Matthæum de publicano Evangelistam, nec Paulum de persecutore Apostolum, nec Magdalenam de peccatrice pœnitentem Ecclesia possideret, inquit Augustinus. Imò hāc ratione pios exercet, omnis enim malus idèo vivit, ut corrigitur, aut per eum bonus exerceatur, quod iterum Augustinus loquitur. Sic gentes in terra Canaan noluit penitus extirpare Dominus, ut in ipsis experiretur Israhel, num custodituri sint viam Domini, Jud. 2.v.21.22. Triticum sublati ex agro zizaniis omnem pinguedinem terræ attrahit & torpescit: Ubi vero zizaniis in-

terspersum est, majori cum felicitate ac fœnore & crescit & fructum producit, quia superflua terræ pinguedo ac humiditas nimia in zizaniorum alimoniam convertitur: Ita bonis sublati è modio impiis aut turgescent, aut torpescunt, quando verò à malis quasi in palestra exercentur, Corona ipsis splenditor aliquando obtinet, 2. Tim. 2.v.5.

2. *Modum collectionis*. Nam tempore messis, inquit, dicam messoribus: Collige primum zizania, & ligate in fasciculos. Per tempus messis consummatio seculi intelligitur, quæ messis dicitur, quia tunc omnes homines ut maturum frumentum mentendi & refecandi sunt, Apoc. 14.v.15. Messores sunt Angeli, v.39. quorum opera Deus in extremo die zizania eradicabit, & in fasciculos colligabit, ut pares paribus socientur. Videbis ibi fasciculos tyrannorum, fasciculos haereticorum, fasciculos furum, fasciculos adulterorum, fasciculos latronum, fasciculos usurariorum, &c. Nam aequalibus delictis penæ etiam aquales debentur, Sap. 3.v.15.

3. *Finem combustionis*, nam in stagnum conjicientur ardentes sulphure, Apoc. 21. v.8. ubi vermis eorum non morietur, & ignis non extinguetur, Esa. 66.v.24.

2. *Cum tritico*, quod in horreum vitæ æternæ reponetur, ubi pi semper erunt cum Domino, 1. Thess. 4.v.17. florebunt sicut sol, Matth. 13.v.43. & sicut splendor firmamenti, Dan. 12.vers.3. quod enim hic in corruptione seminatum fuit, resurget in incorruptibilitate, quod in ignominia, resurget in gloria, 1. Cor. 15.v.43.

Elaboremus igitur ut simus hic de tritico, ut & olim esse possumus in hoc horreo: quicquid enim homo seminaverit, hoc etiam metet, Gal. 6.v.7.

D O-